

ԱՇԱԿԵՐՏԵՍ ՍՈՐՎԱԾ ԴԱՍՍ

Ո՞վ չի ճանչնար Նազոն՝ եօթը տարեկան կրակոտ տղան: Անկարելի է որ չնշմարես զինք զքօսանքին 200 աշակերտներու մէջ: Գիտե՞ք ինչու: Ձեռքը տոպրակ մը բռնած՝ կը վազվզէ թռչոտ միջատներու ետեւէն, հաւաքածոյ մը ունենալու համար: Երբ պարտեզ մտնենք, Նազոն արդէն երեսին վրայ փռուած է գետինը, կը շոյէ եւ կը փայփայէ կանաչ խոտը եւ կը նայի թէ ո՞ր քարին տակը միջատներ պահուած են: Չարմանալի չէ որ Նազոյի ննջարանին մէջ կը բնակին տեսակ-տեսակ միջատներ:

Օր մը հարցուցի. «Նազօ՛, նկատեցի որ չես գար Կիրակնօրեայ դպրոց»: Ան գլուխը ծռելով ըսաւ. «Այո՛, օրիորդ, ես նեղուած եմ Աստուծմէ»: «Ինչո՞ւ նեղուած ես» հարցուցի զարմացած:

- Դուք չըսի՞ք՝ երբ որ աղօթենք եւ բան մը խնդրենք Աստուծմէ, Ան կու տայ մեզի: Ես ալ բան մը խնդրեցի, բայց Ան չտուաւ, ուրեմն նեղուած եմ Իրմէ, պատասխանեց Նազոն:


Ապշեցայ, արդեօք Նազոն ի՞նչ կրնար խնդրած ըլլալ:

- Ի՞նչ խնդրեցիր Աստուծմէ եւ չտուաւ քեզի, կ'ուզե՞ս ըսել ինծի:

Կարելի՞ էր աննկատ ձգել այսպիսի տղու մը ցաւը: Կետ ձուկի մասին պատկերագարդ գիրք մը նուիրելով, Նազոյին բացատրեցի, թէ ինչո՞ւ Աստուած «ոչ» ըսած էր իր աղօթքին:

Եթէ ան իր փափաքած կէտ ձուկը ստանար, այդ մեծ կենդանին պիտի կրնա՞ր ապրիլ իր ննջարանին մէջ՝ միւս միջատներուն նման: Նազոն հաշտուեցաւ Աստուծոյ հետ:

ԹԻՒԸ ՊԱՏՐԱՍՏԵՃ՝ ՌԻԹԱ ԿԱՂԵԱՆ-ՏԻԵՊԻԵՐԵԱՆ
ՆԿԱՐԱԾԱՐՈՒԹՅՈՒՆՆԵՐ՝ ՌԱՖԻԻ ԲԵՇԻՇԵԱՆ



ԱՅՍՕՐ ՁԵՐ ՏՕՆՆ Է ԹԱՆԿԱԳԻՆ ՈՒՍՈՒՑԻՉՆԵՐ

Սիրելի՛ ուսուցիչներ,
Եթէ դուք չըլլայիք, մենք ո՛չ գրելու կարողալ, ո՛չ գծել ու ներկել եւ ո՛չ ալ համրել ու հաշուել պիտի սորվէինք:


Դուք սորվեցուցիք մեր մայրենի ոսկեղենիկ լեզուն, հայոց պատմութիւնը, Աստուծոյ խօսքերն ու օտար լեզուներ:

Դուք կը յոգնիք, որպէսզի մենք ըլլանք ուսեալ ու տիպար հայորդիներ:

Կը խոստանանք ձեզի արժանի աշակերտներ ըլլալ:

Թող Աստուած ձեզի ոյժ, համբերութիւն եւ կորով պարգեւէ:

Ձեր բոլորին վարձքը կատար, մեր աննման ուսուցիչներ:



ԿԵՆԴԱՆԱԿԱՆ ԱՃԻԱՐՅԻ ԳԱՂՏՆԻՔՆԵՐԷՆ



* Ռնգեղջիրին կոտոշները ոսկորե չեն: Անոնք մազանդման եւ կարծր թելերե շինուած են եւ ճակատին վրայ ամրացած են ոսկորե բունի մը վրայ:

* Երբ խլուրդ մը իր հաւաքած բոլոր որդերը չկարենայ ուտել, մնացածը կը պահէ: Անոնց պոչերը կը խածնէ, որ անդամալոյծ ըլլան եւ այս ձեւով երբ որ ուզէ թարմ ճաշ կ'ունենայ:

* Հիւսիսային բեւեռի արջուկը կոյր կը ծնի եւ առանց ակռայի: Կես քիւ իսկ չի կշռեր ան:

* Յովազները իրենց որսացած կենդանիներն չեն ուզեր բաժին հանել առիւծներուն, անգղներուն եւ շնագայլերուն: Անոնք որսերը բարձր ծառի մը վրայ կը պահեն, որ յետոյ հանգիստ ուտեն:

* Շինուած ոչ մէկ հետախուզական մեքենայ կը հասնի շուներուն հոտառութեան: Ընորհիւ անոր, անոնք կրնան գտնել ձիւնահիւսէ մը ետք ձիւնին տակ թաղուած դահուկորդներ: Անոնք կրնան նաեւ գտնել երկրաշարժէ մը ետք ւերակներուն տակ բանտարկուած անձեր:



Օգնեցէ՛ք մկնիկին, որպէսզի գտնէ ճամբան եւ համով-հոտով ուտէ այս պանիրը:

Գարնան պաղպաղակ ուտելը ճիշդ չէ, եկէ՛ք հիմա ներկենք ամբարն կ'ունենք ու կը զովանանք:

Կապէ՛ ու բառ կազմէ՛

իրաւ	բեր
տարի	անձ
տար	իւր
նախ	ճառ
ալ	քոտ
պատ	ատել
եօթ	ուղի
գործ	ունք
հաստ	ածել
մայր	անասուն

- 10.- վնասմամբ
- 9.- Լգտատու
- 8.- Լգճոճմս
- 7.- Լոտոտու
- 6.- սոցոտու
- 5.- սլուր
- 4.- Լախանճ
- 3.- տարբեր
- 2.- տարբորտ
- 1.- իրաւունք

Աղղղոտոտոտոտ

Ժամանակին երկու եղբայրներ իրարու կից ազարակներու մէջ կ'ապրէին: Օր մը, անոնք կռիւի բռնուեցան: Ասիկա առաջին լուրջ ճեղքն էր քառասուն տարի կողք-կողքի հողագործութիւն ընելէ յետոյ, երբ պզտիկ անհասկացողութիւն մը մեծ ռումբի վերածուելով պայթեցաւ եւ անոնք քենտեցան մէջտեղ ելաւ:

Օր մը եղբայրներն մէկուն՝ Փոլին դրան զանգը հնչեց եւ ատաղձագործ մը յայտնուեցաւ, որ գործիքներու պայուսակով դիմացը կայնած էր:

- Քանի մը օրուան աշխատանքի կարիք ունիմ, արդեօք մանր-մունր գործեր ունի՞ք կատարուելիք,- հարցուց ան:
- Այո՛, քեզի համար գործ մը ունիմ, նայէ՛ այս առուակին կից ազարակին, որ դրացիիս, միեւնոյն ատեն կրտսեր եղբօրս կը պատ-

կանի:

Անցեալ շաբաթ մարգագետին մը կար մեր միջեւ, ան դիտմամբ առուակ մը բացաւ զիս նեղացնելու նպատակով: Բայց ես աւելի լաւը խորհեցայ, կը տեսնե՞ս այս փայտերու դեզը, կ'ուզեմ որ ուրքը ոտք բարձրութեամբ ցանկապատ մը շինես, որպէսզի այլեւս եղբօրս երեսը չտեսնեմ:

Ատաղձագործը մտիկ ընելէ ետք ըսաւ.

- Կարծեմ հասկցայ կացութիւնը, քեզի յարմար գործ մը պիտի կատարեմ:

Մեծ եղբայրը շինութեան վերաբերող գործիքները յանձնեց եւ ինք քաղաք գնաց: Վարպետ արհեստաւորը ամբողջ օրը աշխատեցաւ, չափեց, սղոցեց եւ գամեց: Իրիկնամուտին երբ ազարակապանը տուն վերադարձաւ, շժմած մնաց: Ցանկապատի տեղ կամուրջ մը կառուցուած էր առուակին մէկ կողմէն միւսը երկարող եւ դրացին՝ փոքր եղբայրը դէպի իրենց կը մօտենար թելերը լայն բացած, ժպտերես...:

- Եզակի մարդ մըն էս, որ այս կամուրջը շինեցիր՝ քեզի պատմածներես յետոյ,- ըսաւ Փոլ:


Երկու եղբայրները կամուրջին կեդրոնը իրար միացան եւ փաթուեցան: Երբ ետ դարձան տեսան ատաղձագործը իր գործիքներու պայուսակը կը հաւաքէր.

- Ո՞ր կ'երթաս, բարի՛ մարդ, քանի մը օր եւս մնացիր,- ըսաւ մեծ եղբայրը:

- Շատ կը փափաքէի մնալ, սակայն ուրիշ կամուրջներ ունիմ շինելիք,- ըսաւ ան, ժպտաց ու հեռացաւ:



ԳԻՏԱԿԱՆ... ԳԻՏԱԿԱՆ



Լուցկիին յատկությունները

Մինչև հիմա ծանոթ եք լուցկիներու մեկ յատկութեան կամ եթէ կ' ուզէք թերութեան, դիրութեամբ կը բռնկին, սակայն ուրիշ թերութիւններ ալ ունին, շաքարը կը սիրեն եւ մաքրասէր չեն, որովհետեւ կը խուսափին օճառէն:

Պակ մը մաքուր շուրով լեցուցէք եւ անոր մակերեսին վրայ զգուշութեամբ 7-8 լուցկիներ շարեցէք, տալով անոնց շառաւիղներու ուղղութիւն, երբ շուրը բոլորովին հանդարտի, պակի կեդրոնը տեղաւորեցէք կտոր մը շաքար: Շաքարը լուծուելով իրեն կը քաշէ լուցկիները, ինչ որ կը փաստէ, թէ լուցկիին կը սիրէ շաքարը:

Քիչ մը վերջ մատիտի նման գլանաձէ կտորած օճառի մը կտորը տեղաւորեցէք շաքարին տեղը: Լուցկիները անմիջապէս կը փախչին օճառէն, գրաւելով նախկին տեղը:



Ինչո՞ւ երբեմն գլխապըտոյտ կ' ունենաս

Ընդհանրապէս գլխապտոյտ կ' ունենաս, երբ արագ, պտուտաձէ կը դառնաս, եւ յանկարծ կանգ կ' առնես: Երբ կանգ կ' առնես, ականջիդ մէջի հեղուկը կը շարունակէ շարժիլ, շարժող հեղուկը քեզի զգալ կու տայ թէ դուն տակաւին կը շրջիս, սակայն այս անգամ հակառակ ուղղութեամբ: Այն ատեն ուղեղդ շփոթի կը մատնուի, կարծելով թէ տակաւին շարժումի մէջ ես, անոր համար կարճ ժամանակի համար գլխապըտոյտ կը զգաս:



ԹՈՉՈՒՆՆԵՐՈՒ ՓԵՏՈՒՐՆԵՐ

Երբեմն կ' ըսեն՝ «կենդանիները ու թռչունները»: Ճիշդ չէ, որովհետեւ թռչուններն ալ կենդանիներ են, այն տարբերութեամբ, որ իրենց մարմինը ծածկուած է փետուրներով: Թռչուններէն զատ ուրիշ փետրաւորներ չկան:

Փետուրը թեթեւ է ինչպէս բլբուլը եւ շատ ամուր: Եթէ թռչունը փետուրներ չունենայ, չի կրնար թռչիլ: Եւ, առհասարակ, առանց փետուրներու, թռչունը չի կրնար ապրիլ: Փետուրները թռչունը կը փրկեն վիրաւորուելէ, ցուրտէն ու տաքէն: Փետուրները անոնց «հագուստներն» են:

Փետուրները կը ծածկեն թռչունի ամբողջ մարմինը: Ամենափարթամ փետուրները ջայլամին են, ամենաերկարն ու շքեղը՝ սիւրամարգինը:

Փետուրները թռչունները կը զարդարեն ե՛ւ ձեւով, ե՛ւ գոյնով: Առանց փետուրներու, թռչունները մեկ օր չեն կրնար ապրիլ: Ահա թէ ինչու թռչունները այդպէս հոգատար են իրենց փետուրներուն նկատմամբ, կը մաքրեն, հատուտ կ' առանձնացնեն, կը յարդարեն: Ջուրով կը լուան, ճարպ կը քսեն, փոշիով կը ծածկեն: Կը պահպանեն:

Աշխարհի ամենէն մեծ թռչունը ափրիկեան ջայլամն է, հասակը՝ 2.5 մետր, ծանրութիւնը՝ 90 քկ.:

Միայն շուրին մէջ չէ որ թռչունները կը լողան: Կաչաղակները եւ ագռաւները կը թփռտան թաց խոտի ու ձիւնի վրայ, կաքաւները՝ փոշիի մէջ: Անգղերն ու գորշանգղները կը սիրեն արեւի, իսկ կեռնեխներն ու ճայերը՝ նոյնիսկ միջնային լոգանքներ:

Թռչունները կը կանխագուշակեն:

Ճնճողուկները խիստ ցուրտէն առաջ կը տաքցնեն իրենց բոյները, փասիաները անձրեւէն առաջ անհանգիստ ձայներ կը հանեն ծառերու վրայ: Նախքան թխպոտ եղանակներու սկսիլը, ծիծեռնակները ցածն կը թռչին, իսկ լաւ եղանակներուն՝ բարձր երկինքէն:

Թռչունները նոյնիսկ կը գուշակեն երկրաշարժները: Նախքան երկրաշարժը՝ կ' անհանգստանան, յուզուած կ' աղմկեն, այստեղ եւ այնտեղ նետուելով:

Բառեր

- Թխպոտ - ամպոտ
- Կեռնեխ - սարեակ

